

長垣縣志

序

敘例
目錄

卷一
圖攷

卷二
沿革表
封爵表

卷三
職官表

序

孟侯舊壤常氏遺封邑號匡蒲星分
室壁駕青岡而凌白塔撫黑洋而下
黃溝天應圖書奠

神京之南趾地占河朔接繡壤於東明鶴

邱之徙倚何常鳳岡之統轄猶在魏

魏巖邑在昔已昭渺渺芳徽於今未
墜予不佞觀風問俗輶軒歷三善之
邦良有司考獻徵文筆削繼千秋之
志爰稽古蹟用采新編綱舉目張條
分縷析蓋以符分漢魏土列屏藩封
錫長羅爵除建武隸板圖者十三城

食采邑者五千戶疆維廓矣侯籍昭
然且以古多賢哲代有循良人物表
彰政聲宣著至聖來遊之地高賢寡
過之鄉迢遞蘧村道左之遺風晝永
清閒蒲治庭前之佳樹春深吳孝廉
牧豕行吟衡門守志周光祿批鱗直

諫御座留章桑田高季智之風歌頌
樂舜欽之化共目長官清正絲毫不
擾下民咸知侍御剛方金帛何勞上
壽既彰文治更著武功身殉榮陽王
氏之祖孫並節血流汴水韓家之兄
弟齊名司馬銜碑忠惟一死太師

劍勇冠三軍淹通明著希顏孝行宋

推祖德村崇魯義大義克敦城號婦

姑貞姑自矢永矣此邦之彥休哉不

世之英更有亭修問志堂築退思弔

龍逢之故居訪比干之石櫨秋風水

澤聽牧笛之一聲春雨山壇落杏花

之幾片殘碑斷碣石勒忠肝適館授
餐車停版集臺圯柯同爛盡千年之
殘局誰收城荒鶴未歸來三百之乘
軒安在是皆俯仰陳迹之如斯所謂
憑眺興懷於不盡者也方今

聖天子治化維新海隅率被輿圖式廓共

樂車書風俗敦龐咸登熙皞垣邑久
稱樂土志乘已歷多年事屬典章理
宜修輯李明府情殷刪訂庶幾魯有
傳人邦人士志切搜羅九幸衛多君
子適觀厥成爰以為序

嘉慶十五年春二月

賜進士出身內閣學士兼禮部侍郎提督

順天等處學政涇邑吳芳培謹行書

新修長垣縣志序

作志如作史昔江淹有言志者典章之所繫非老於典章者不能爲也今之郡邑皆有志矣而其間可采者蓋寡以是知志之不易爲也然而非其人不作非其人不述守土之吏簿書鞅掌有不暇爲卽有其暇不能明體例慎取裁則又不能爲卽好而爲之非攷訂詳贍其才其學其識之足以昭傳信者則又不可爲志之成也不其難乎余自丙寅春奉

命來守大名首詢郡志創自康熙壬子譌誤漫漶不能披覽因念郡屬一州六縣若新志俱成彙而輯之則郡志之成也易安邱李君子垣以名家子調宰長垣學問旣優更

才卓卓近以所修長垣新志問序於余觀其所作博核整
瞻一準古人成法炳焉蔚焉首作圖攷法唐李吉甫元和
郡縣圖志宋李昉圖經也作沿革表法一統志表也作封
爵表法漢司馬遷功臣侯表也作職官表法漢班固百官
公卿表也作選舉表法唐姚康科第錄也作地理書法晉
朱育會稽土地記也作建置書法宋無名氏衙署志宋敏
求東京記也作田賦書法宋田況皇祐會計錄也作典禮
書法唐韋公肅禮閣新儀也作事紀書法司馬遷等大事
記韋氏三輔舊事也作循政記法梁元帝丹陽尹傳宋費
樞廉吏傳也作人物記法魏周斐汝南先賢傳晉習鑿之
襄陽耆舊記也作列女記法漢劉向列女傳晉杜預列女

記也作藝文錄法晉摯虞文章志梁阮孝緒七錄文義記也作金石錄法宋鄭樵通志金石略也終之以敘錄法班固漢書敘傳常璩華陽國志敘錄也是非其才大其學博其識精烏能如是哉方今

聖代右文海宇雍睦凡親民之官能周知一邑之事庶幾無憾而一邑之事莫詳於志志不修則事無可攷而庶務弛大可懼己邑志旣修則郡志亦可采也成書以承省志統志之全仰贊一道同風之

盛治典至鉅也今李君先我而爲之而又能延博洽之士載編纂以合於古之所爲類非俗吏之所能爲也是志之豈徒備一邑之鑒耶將以俟他邑之有所裁也以俟太

之有餘采也。資益政術曷云淺鮮故綜攬而敘之當
觀感而興起者足維風教於不妄

嘉慶十四年歲在己巳十一月朝議大夫直隸大名府
府定安莫景瑞序

志者識也所以備觀省昭勸戒明是非辨得失非一家一時之私籍亦非一家一人之私見也長垣志自康熙庚申修輯後閱今百三十年文獻無徵網羅不易丁卯春

于垣

由曲陽調宰是邑士民首以修志爲請越歲戊辰請者益衆竝樂輸經費以襄厥成由是延陽湖楊君元錫至垣設館授餐任編纂之事楊君家世四代翰詹皆領史職淵源有自好古洽聞屢應郡邑修志之徵長於述作迺羅列經史子集竝廣蒐博采佚事舊聞悉書於冊又徧搨殘碑斷碣及士夫家乘以備參稽夏四月

于垣

于役都門初冬始

返則志藁旣成爲圖爲表爲書爲記爲錄都爲十六卷譌

者正闕者補體例既嚴取裁亦慎迺呈於大府

督學閱定以付剗人昔明李襄毅作邑志序慮風俗之遷流民習之難挽愷切而言之今之戶口什倍於昔衛之富庶依然而俗不逮古豈父兄之教不先與抑長吏之未能化導也我

國家重熙累洽涵養休息百七十年凡郡邑之風土民情無不登之於志以供金匱石室之采擇則志之成也不可緩吾願邑之士皆敦崇實學毋逞臆見操鄉里短長以自墮其行也邑之民皆務本力作毋爲沮詐爭鬪以扞法也邑之工商皆勤於貨殖毋舍業以嬉荒厥事也如是而士安於學農安於田工商安於市明禮習教崇儉黜華念三

而涵賢人過蘧鄉而思君子當大書特書以俾

太平之盛治是宰斯土者之幸也亦吾民之幸也是志之所繫
豈淺尠哉嘉慶十四年歲在己巳斗柄建亥之月長垣縣
知縣安邱李于垣序